

Protocol no. 4**Sezzüda da marcurdi, 1. favrer 2012 – 9.00 – 12.00**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Claudia Luppi (protocol)

Protocol

Il protocol no. 3 da la sezzüda da gövgia, 26 schner 2012 vain approvà.

19 942.503.01 Stabilimaint da la posta
Sanaziun – Valütaziun da cuosts

Per avair documentà eir eventuels cuosts da sanaziun successivs in connex cun l'aquist dal stabilimaint da la Posta, vuless il Cussagl cumünal avair in man üna perizia da cuosts. Il capo, il schef da fabrica ed il schef d'infrastructura sun sezzats insembel per definir ils seguaints puncts principals per la valütaziun da cuosts:

Sco prüma priorità vain tscherchada üna soluziun suffuciainta per la tualetta publica adattada eir per sopcha cun roudas chi vess ün access direct da l'extern. In üna seguonda fasa as vuless eir avair üna calculaziun da cuosts per la sanaziun energetica dal stabilimaint e quai in basa a la ledscha d'energia, sco eir tenor norma da minergia.

Il Cussagl cumünal decida da conceder al capo la cumpetenza da trar aint offerta per üna valütaziun da cuosts da la tualetta publica cun access da l'extern.

20 62 VIAS CUMÜNALAS
Via Sura – Dons vi dal mür da sustegn

Duonna Aurelia Baumgartner as volva al Cussagl cumünal cul giavüschi da tour per mans il problem dals dons vi dal mür da sustegn sur las chasas Aurelia, Angelina e Milo, chaschunats tras vehiculs greivs causa la grond'actività da fabrica illa Via Sura d'ürant ils ultims ons.

A regard ils dons chi sun capitats in connex culs singuls fabricats esa üsitàdamaing d'as volver a l'uffizi districtual chi eruischa ils dons tenor il proceder da las perdütas periclitadas.

Cun sanar il mür da sustegn manzunà gniss plü co facil megldrada la situaziun da la Via Sura per bainquant. Il mür da sustegn as rechatta vairamaing sün terrain privat e stuvegn gnir mantgnü dal possessur. Implü esa da manzunar cha'l mür sur las chasas Aurelia ed Angelina nu d'eira da seis temp gnü construi tenor las normas üsitàdas.

Il cumün arcugnuoscha però cha tscherts dons saran success eir causa il trafic sülla Via Sura in general. Il schef da vias in cumün propuona perquai da provar da chattar üna soluziun per scumpartir ils cuosts da sanaziun dal mür da sustegn da möd cha tant ils conproprietaris da las chasas Aurelia ed Angelina sco eir il cumün as partecipessan vi dals cuosts cun üna clav da scumpart. Il Cussagl cumünal decida da responder a duonna Aurelia Baumgartner in quel sen.

21 810 ADMINISTRAZIUN FORESTALA
Premi d'arcugnuschtscha per la gruppa da god

Il capo orientescha cha'l silvicultur e la gruppa da god hajan rajiunt il 1. rang pro l'ARGE Alpenländische Forstvereine cul proget dals "Dis da god a Sur En" illa sparta "Lavur e preschantaziun publica. Il Cussagl cumünal gratulescha cordialmaing al silvicultur ed a la gruppa da god per quist bel premi d'arcugnuschtscha. Las gratulaziuns ufficialas dal Cussagl cumünal vegnan publicadas illas chaistas nairas.

22 021 FABRICA
Chasa Stron 261 e 261°, G. e C. Lutz-de Aquino

Il permiss da fabrica per la surnomnada chasa es scroudà als 31 lügl 2011. Ils possessurs e lur architecta fan la dumonda per ün'ulteriura prolungaziun causa ch'üna dumonda da fabrica nouva tardivess la finischiun dal fabricat amo daplü co üna prolungaziun. Il Cussagl cumünal preferiss in quist cas da conceder üna prolungaziun resalv però cha las actas sajan correctas tenor la lescha da fabrica sco eir confuorm a las pretaisas da l'uffizi per la chüra da monumaints, ma eir resalv ch'üna prolungaziun saja giuridic per princip pussibel. Il Cussagl cumünal decida da sclerir il prüm la dumonda giuridica. Causa cha'ls cuosts pel parair giuridic van tenor reglamaint da taxas a charg dal patrun da fabrica vain quel ouravant tuot avisà da quist fat.

23 021 FABRICA
H. e M. Laurent-Domenig – Ingrondimaint chamonna e chammonina da giovar , Plan da Porchs

A regard la dumonda da fabrica per pudair ingrondir la chamonna per s-chars 1/3 da la surfatscha e da pudair implü metter sü üna chammonina da giovar pels uffants decida il Cussagl cumünal d'inviar il proget per la procedura per stabilimaints dadour la zona da fabrica (BAB) culla remarcha cha la chammonina da giovar vegna posiziunada da maniera ch'ella tegna aint la distanza da 2.5 m davent dal cunfin dal terrain.

24 ORIENTAZIUNS

Proget per imprender intensivmaing rumantsch

Il capo orientescha cha Cla Rauch til haja preschantà ün proget nouv per imprender intensivmaing rumantsch. Quist proget, ch'id es nat sün intimaziun da duonna Angelika Overat, varà lö dals 11 – 17 november 2012 a Sent e prevezza d'integrar ils interessats d'ürant quels dis in ün ravuogl s-chet rumantsch culla pretaisa chi vegna discuorrü be rumantsch.

Pista da sömni

La schefa da turissem orientescha davart üna sezzüda ch'ella ha gnü cul directer da las Pendericulas Motta Naluns sar Egon Scheiwiller e divers ulteriurs interessats vi da la pista da sömni. Illa sezzüda es gnüda tematisada tanter oter eir la finischiun da la pista. Per discussiunar sur da la fatschenda eir i'l Cussagl cumünal gnarà tractandà quist tema per la prosma sezzüda dal Cussagl cumünal.

L'actura: